

САПАЛЫ БІЛІМ — САНАЛЫ ҰРПАҚ АЗЫҒЫ

XXI ғасыр білімнің интеграциялануы мен инновациялануы және аймақталуымен ерекшеленеді. Бұл дегеніміз – қазіргі өмірдегі бәсекеге қабілетті интелектуалды адам капиталының қалыптасуындағы әлемдік үлгілердің пайда болуы.

Кез келген мемлекеттің дамуы дәстүрлі өлшем тұрғысынан алғанда экономикалық және әлеуметтік өлшемімен бағаланса, ал біздің дәуіріміз білімнің, ғылымның және оның нәтижелері ретіндегі инновациялануымен бағаланады.

Кезінде Елбасы Н. Назарбаевтың әлеуметтік саланы дамыту стратегиясында аса үлкен мәселелердің бірі білім беру, жетілдіру, балаларды түгелдей мектепке тарту бол-

ды. Өтпелі кезеңде нарықтың қиындықтарына байланысты елімізде 27 мыңнан астам мектеп жасындағы бала оқудан қол үзіп қалған еді. Осыған байланысты Елбасы барлық бала оқуға тиісті деп тапсырма берді. Бұл мемлекеттік маңызы бар конституциялық талап болатын. Үкіметке 1998 жылға берілген сегіз нақты тапсырманың екеуі мектепке қатысты еді. Олар мектепті, ең алдымен ауыл мектептерін компьютерлендіру, балаларды түгел мектепке тарту болды. Аз уақыт ішінде мектептен қол үзген балалар түгелдей оқуға тартылды. Елбасының тапсырмасы бойынша таяу жылдарда бүкіл республика мектептерін толық компьютерлендіру жұмыстары жүргізілді. Мұның өзі елімізде білім мен ғылымның өсуіне шын мәнінде негіз болды.

Мемлекет басшысы

Қасым-Жомарт Тоқаев кезекті Қазақстан халқына Жолдауында қолжетімді әрі сапалы білім алуды, балалардың мектепке дейін жан-жақты даму мәселесін, 2025 жылға дейін 6 жасқа дейінгі балаларды 100 пайыз мектепке дейінгі оқу мен тәрбиемен қамтудың шешу жолдарын айқындап берді. Сондай-ақ, балаларымыз қай жерде тұрса да, қандай тілде оқыса да сапалы білім алуы керек екенін атап айтты.

Жас буынға білім беру жолында еңбек етіп жүргендіктен білім саласында болып жатқан барлық өзгерістер мен жаңалықтар менің жанымға жақын. Ел дамуындағы барлық маңызды деген мәселелерді атап айтып, шешу жолдарын ұсына келе, ел Президенті өз Жолдауындағы бесінші мәселе ретінде білім беру са-

ласына тоқталып өтті. Әлем елдеріндегі пандемиялық жағдайларды ескере, еліміздегі карантиндік жағдайды қатаң сақтай отырып, білім беру саласының қашықтан ұйымдастырылып отырғанын, сондай-ақ бұл жүйенің әдеттегі дәстүрлі сабаққа жетпейтініне тоқталды. Дәстүрлі жүйе бойынша білім алуға барша жағдай жасауды тапсырып отыр. Сайып келгенде, Мемлекет башысының Жолдауы білім беру мен тәрбие жүйесінің әлемдік стандарттарға сай келуін талап етеді және осы мақсаттағы міндеттерді орындауға бағытталтыны сөзсіз.

**Г.ҚАПБАРОВА,
М.Әуезов атындағы
ОҚУдың «Қазақстан
тарихы»
кафедрасының
магистр-оқытушысы**